

Na osnovu člana 24. stav 1. tačka b) Ustava Tuzlanskog kantona ("Službene novine Tuzlansko-podrinjskog kantona", broj: 7/97. i 3/99. i "Službene novine Tuzlanskog kantona", broj: 13/99.), na prijedlog Vlade Tuzlanskog kantona, Skupština Tuzlanskog kantona, na sjednici od 29.2.2000. godine, donosi

## ZAKON

### o izvršenju Budžeta Tuzlanskog kantona za 2000. godinu

#### I. OPĆE ODREDBE

##### Član 1.

Ovim Zakonom uređuje se način izvršenja Budžeta Tuzlanskog kantona za 2000. godinu (u daljem tekstu: Budžet).

##### Član 2.

Budžet se sastoji od općeg i posebnog dijela.

Opći dio Budžeta se sastoji od bilansa prihoda i izdataka, a posebni dio sadrži detaljan raspored izdataka po budžetskim korisnicima i vrsti izdataka.

U bilansu prihoda i izdataka iskazuju se porezni i neporezni prihodi i drugi prihodi i primici te izdaci utvrđeni za finansiranje javnih izdataka na nivou Tuzlanskog kantona (u daljem tekstu: Kanton) na osnovu zakonskih i drugih propisa.

##### Član 3.

Budžet je procjena godišnjih prihoda i primitaka te utvrđenih iznosa izdataka i drugih plaćanja Kantona.

##### Član 4.

Budžet se odnosi i važi za fiskalnu 2000. godinu (u daljem tekstu: fiskalna godina).

Fiskalna godina počinje 1. januara, a završava se 31. decembra 2000. godine.

##### Član 5.

Budžetski korisnici su ministarstva, drugi organi uprave i ostali koji se finansiraju iz Budžeta (u daljem tekstu: korisnici).

Ministarstvo koje u svom budžetskom razdjelu sadrži potrošačke jedinice – glave i budžetski je za njih nadležno.

##### Član 6.

Transakcije svih prihoda i izdataka iz Budžeta se evidentiraju u skladu sa federalnim propisima.

##### Član 7.

Budžetski izdaci podmiruju se iz prihoda i primitaka utvrđenih ovim Zakonom.

## Član 8.

Svi javni prihodi i primici Budžeta, uključujući i vlastite prihode korisnika Budžeta, moraju biti iskazani po izvorima iz kojih potiču i raspoređeni u Budžetu.

Prihodi koje korisnici Budžeta Kantona ostvare od obavljanja osnovne djelatnosti uplaćuju se u Budžet Kantona.

Svi izdaci moraju biti utvrđeni u Budžetu i uravnoteženi s prihodima i primicima.

Ako se tokom fiskalne godine donese propis kojim se smanjuju prihodi i primici ili povećavaju izdaci utvrđeni Budžetom, istovremeno se moraju predvidjeti prihodi kojima će se Budžet uravnotežiti.

Ako se tokom fiskalne godine, povećaju izdaci ili umanje prihodi ili primici, Budžet se mora uravnotežiti sniženjem predviđenih izdataka ili pronalaženjem novih prihoda.

Uravnoteženje Budžeta provodi se putem izmjena i dopuna Budžeta po postupku za donošenje Budžeta.

## Član 9.

Prihodi i primici Budžeta Kantona sastoje se od:

- poreznih prihoda koji budu utvrđeni zakonom,
- neporeznih prihoda kao što su prihodi od poduzetništva i imovine, prihodi od administrativnih i sudskih naknada i taksa, novčanih kazni, doprinosa i drugih prihoda.
- prihoda ostvarenih od obavljanja osnovne djelatnosti budžetskih korisnika, po posebnim propisima,
- domaćih i inostranih potpora, u gotovinskom i negotovinskom obliku.

## Član 10.

Izdaci i druge isplate Budžeta Kantona sastoje se od:

- tekućih izdataka kao što su plaće, naknade, izdaci za materijal i usluge, tekući transferi i
- plaćanje kamata,
- kapitalnih izdataka, u skladu sa važećim propisima,
- datih zajmova i udjela u osnivačkom kapitalu umanjenih za otplate zajmova.

## II. IZVRŠAVANJE BUDŽETA

### Član 11.

Sredstva Budžeta osiguravaju se budžetskim korisnicima koji su u posebnom dijelu Budžeta određeni za nosioce sredstava na pojedinim pozicijama.

Korisnici budžetska sredstva koriste samo za namjene koje su određene Budžetom i to do visine utvrđene u njegovom posebnom dijelu.

### Član 12.

Korisnici budžetska sredstva koriste u skladu sa svojim godišnjim finansijskim planovima, a po dinamici utvrđenoj tromjesečnim i mjesečnim planovima, u skladu sa ostvarenim prihodima u Budžetu.

Ukoliko priliv sredstava u Budžet ne prati plan, Vlada Kantona u tom slučaju određuje prioritete plaćanja.

#### Član 13.

Godišnji budžet izvršava se do 31. decembra fiskalne godine.

Samo prihodi naplaćeni u tekućoj fiskalnoj godini su prihodi te godine.

Finansijske obaveze koje ne budu podmirene do 31. decembra fiskalne godine, a koje se podmire do kraja januara naredne godine, smatraju se izdacima tekuće fiskalne godine.

Sredstva koja se za izmirenje obaveza iz fiskalne godine isplate nakon 31. januara naredne godine smatraju se izdacima naredne fiskalne godine.

#### Član 14.

Korisnici preuzimaju obaveze za koje su sredstva namjenski iskazana u posebnom dijelu Budžeta ako je njihovo plaćanje usklađeno sa tromjesečnim i mjesečnim planom za izvršavanje Budžeta.

Izuzetno, zbog neusklađenog priliva sredstava u Budžet prema tromjesečnim i mjesečnim planovima izdataka, Vlada Kantona na prijedlog Ministarstva finansija može izmijeniti dinamiku doznake sredstava pojedinim korisnicima.

#### Član 15.

Ministarstvo finansija izvršava tromjesečne i mjesečne finansijske planove izvršenja po korisnicima i izdacima u skladu sa raspoloživim sredstvima čime se ujedno utvrđuje dinamika izvršavanja Budžeta.

Ministarstva koja su nadležna za budžetske korisnike utvrđuju finansijske tromjesečne i mjesečne planove izvršenja izdataka po svojim korisnicima u okviru odobrenih sredstava iz stava 1. ovog člana.

#### Član 16.

Korisnici su obavezni Ministarstvu finansija dostavljati tromjesečne finansijske planove za izvršenje Budžeta, 15 dana prije početka tromjesečja.

Korisnici su obavezni Ministarstvu finansija, do 25-og u tekućem mjesecu, dostaviti mjesečni finansijski plan za slijedeći mjesec po stavkama utvrđenim tromjesečnim finansijskim planom.

#### Član 17.

Ministarstvo finansija prenosi neutrošena sredstva po pojedinim stavkama izdataka iz mjesečnog plana izvršavanja Budžeta na ime iste stavke u plan izvršavanja Budžeta za slijedeće razdoblje u okviru fiskalne godine.

#### Član 18.

Izuzetno izdaci koji nisu predviđeni mjesečnim planom izvršavanja Budžeta ili izdaci koji zahtijevaju prekoračenje pojedinih stavki u mjesečnom planu korisnika za izvršavanje Budžeta (u daljem tekstu: neraspoređeni izdaci), mogu se podmiriti odlukom Vlade na prijedlog Ministarstva finansija, na teret iste stavke u planu izvršenja Budžeta za slijedeće razdoblje fiskalne godine.

#### Član 19.

Izuzetno, ako pojedini korisnik ne bude mogao nepredviđene i nedovoljno predviđene izdatke podmiriti iz vlastitih ušteda, Vlada Kantona može na prijedlog Ministarstva finansija odlučiti da se ti izdaci podmire iz ušteda drugih korisnika ili smanjenjem sredstava na njihovim stavkama.

#### Član 20.

Nalogodavac za izvršenje Budžeta je predsjednik Kantona, Vlada Kantona, predsjednik Vlade Kantona i ministar finansija.

Ministri i rukovodioci drugih korisnika iz člana 5. ovog Zakona su nalogodavci za izvršenje Budžeta po odobrenim budžetskim pozicijama.

#### Član 21.

O korištenju sredstava tekuće rezerve odlučuje Vlada Kantona.

Predsjednik Vlade Kantona može raspolagati sredstvima tekuće rezerve do iznosa 500.000 KM.

Predsjednik Vlade Kantona obavezno informiše Vladu Kantona o raspolaganju sredstvima iz stava 2. ovog člana na prvoj narednoj sjednici Vlade Kantona.

#### Član 22.

Ako se u toku godine, na osnovu propisa poveća djelokrug ili nadležnost korisnika što zahtijeva i povećana sredstva ili se osnuje novi korisnik, sredstva za njegove troškove osiguravaju se iz tekuće rezerve, a odobrava ih Vlada Kantona.

Ako se tokom godine, na osnovu propisa, umanja djelokrug ili nadležnost korisnika, što zahtijeva smanjena sredstva ili se korisnik ukine, neutrošena sredstva za njegove troškove prenose se u tekuću rezervu ili na korisnika koji preuzme njegove poslove.

Prihodi ostvareni iznad planiranih Budžetom, usmjerit će se u tekuću rezervu.

#### Član 23.

Sva prikupljena i naplaćena finansijska sredstva, koja pripadaju Budžetu, obavezno se uplaćuju na račun Budžeta.

#### Član 24.

Pogrešno ili više uplaćeni prihodi u Budžet, vraćaju se uplatiocima na teret tih prihoda.

Rješenje o tome donosi Ministarstvo finansija.

#### Član 25.

Sredstva utvrđena u 12. razdjelu Budžeta, odjeljenje 121, potrošačka jedinica 121002 "tekući transferi za dženaze i sahrane identifikovanih tijela iz masovnih grobnica" koristit će se po odlukama Vlade Kantona.

#### Član 26.

Sredstva utvrđena u 12. razdjelu Budžeta, odjeljenje 121, potrošačka jedinica 121003 "tekući transferi za opće izbore u 2000 godini" koristit će se po kriterijima koje predloži Vlada Kantona a koje verifikuje Skupština Kantona.

#### Član 27.

Sredstva utvrđena u 12. razdjelu Budžeta, odjeljenje 121, potrošačka jedinica 121004 "kapitalni izdaci za korisnike budžetskih sredstava" koristit će se po programima i kriterijima koje utvrđuje Vlada Kantona, a po konkretnim programima, projektima i predloženim prioritetima resornih ministarstava.

#### Član 28.

Sredstva utvrđena u 20. razdjelu Budžeta, odjeljenje 201, potrošačka jedinica 201010 "jednokratne pomoći u oblasti socijalne zaštite" koristit će se po propisima koje donosi Vlada Kantona, uz obavezu ponošenja konkretnih programa i projekata za transfer sredstava u Budžetu, od strane nadležnog ministarstva a prenosit će se općinskim centrima za socijalni rad.

#### Član 29.

Sredstva utvrđena u 21. razdjelu Budžeta, odjeljenje 218, "općinske biblioteke" koristit će se po kriterijima i programima koje utvrđuje Vlada Kantona.

#### Član 30.

Sredstva utvrđena u 21. razdjelu Budžeta, odjeljenje 219, "institucije iz oblasti sporta, nauke i kulture" koristit će se po kriterijima i programima koje utvrđuje Vlada Kantona.

#### Član 31.

Sredstva utvrđena u 26. razdjelu Budžeta, odjeljenje 261, potrošačka jedinica 261002 "tekući transferi iz dopunskih prava BIZ-a " koristit će se po propisima koje donosi Vlada Kantona, a na osnovu konkretnih programa i projekata po predloženim prioritetima nadležnog ministarstva.

#### Član 32.

Sredstva utvrđena u 32. razdjelu Budžeta, odjeljenje 321, potrošačka jedinica 321001 "kapitalni transferi za kantonalne robne rezerve" koristit će se po programima koje utvrđuje Vlada Kantona.

#### Član 33.

Sredstva utvrđena u 33. razdjelu Budžeta, odjeljenje 331, "tekući transferi općinama" koristit će

se po kriterijima i programima koje utvrđuje Vlada Kantona.

#### Član 34.

Sredstva utvrđena u 35. razdjelu Budžeta, odeljenje 351, "kantonalne organizacije i institucije" koristit će se po kriterijima i programima koje utvrđuje Vlada Kantona.

#### Član 35.

Sredstva utvrđena u 39. razdjelu Budžeta, odjeljenje 391, potrošačka jedinica 391001 "sredstva za stambenu izgradnju" koristit će se po kriterijima koje donosi Vlada Kantona, a verifikuje Skupština Kantona.

#### Član 36.

Za obavljanje platnog prometa po uplatnim računima prihoda Budžeta, računu Budžeta i računima korisnika, ministar finansija će zaključiti poseban ugovor sa institucijom ovlaštenom za obavljanje platnog prometa.

### III. KONTROLA IZVRŠENJA BUDŽETA

#### Član 37.

Najkasnije do kraja septembra Vlada Kantona izvještava Skupštinu o polugodišnjem izvršenju Budžeta u fiskalnoj godini i nalazima revizije, a do kraja aprila naredne godine - o izvršenju Budžeta i nalazima revizije u fiskalnoj godini.

Istovremeno sa izvještajima o izvršenju Budžeta, Skupštini se podnose izvještaji o finansijskom poslovanju kantonalnih izvanbudžetskih fondova.

#### Član 38.

Nadzor nad finansijskim, materijalnim i računovodstvenim poslovanjem korisnika, primjene zakonitosti u poslovanju kao i svrsishodnom upotrebom budžetskih sredstava obavlja Odjeljenje interne revizije.

#### Član 39.

Odjeljenje interne revizije se nalazi u sastavu Ministarstva finansija.

Radom Odjeljenja interne revizije rukovodi glavni unutrašnji revizor, kojeg na prijedlog ministra finansija, postavlja Vlada Kantona.

#### Član 40.

Kontrolu rada Odjeljenja interne revizije vrši Revizioni komitet.

Broj članova Revizionog komiteta određuje Skupština Kantona.

Predsjednika i članove Revizionog komiteta imenuje Skupština Kantona.

#### Član 41.

Na godišnji program rada Odjeljenja interne revizije saglasnost daje Vlada Kantona.

#### Član 42.

Uputstvo o načinu rada i postupanja Odjeljenja interne revizije donijet će ministar finansija u roku od 30 dana od dana stupanja na snagu ovog Zakona.

#### IV. ZADUŽIVANJE I DUG

##### Član 43.

Kanton se može zaduživati u zemlji ili inostranstvu u svrhu finansiranja kapitalnih investicionih izdataka.

Kanton može izdavati jemstva.

Odluku o zaduživanju i davanju jemstva donosi Skupština Kantona.

Iznos zaduženja iz stava 1. ovog člana, ne može biti veći od 20 % ukupnih prihoda Budžeta.

Ugovor o zaduživanju Budžeta i izdavanju jemstva potpisuje ministar finansija.

O obliku zajma i vrsti instrumenata osiguranja otplate zajma odlučuje ministar finansija.

##### Član 44.

Ministarstvo finansija vodi popis duga, izdatih jemstava i zajmova.

##### Član 45.

Odluke o dugu, jemstvima i zajmovima objavljuju se u "Službenim novinama Tuzlanskog kantona".

Vlada Kantona ne može jednostrano mijenjati ugovorene uslove duga, jemstva i datih zajmova.

##### Član 46.

Sa računa Budžeta Kantona, mogu se u smislu ovog Zakona podmirivati sve kamate i otplata glavnice po dugu i jemstvima Kantona, sa uslovima i rokovima koje je ugovorio Kanton.

##### Član 47.

Ovlašćuje se Vlada Kantona da može davati jemstvo preduzećima do 8 % vrijednosti Budžeta.

Jemstva iz stava 1. ovog člana odobravaju se na osnovu jemstava predhodno izdatih od poslovnih banaka.

Za izdata jemstva iz stava 1. ovog člana, zaračunava se provizija u skladu s tarifom koju na prijedlog ministra finansija utvrđuje Vlada Kantona.

#### V. KAZNENE ODREDBE

##### Član 48.

Odgovorno lice budžetskog korisnika ili izvanbudžetskog fonda, nosilac izvršne vlasti, kao i drugo lice odgovorno za Budžet Kantona, kaznit će se za prekršaj ovog Zakona saglasno odredbama člana 57. Zakona o proračunima - budžetima u Federaciji Bosne i Hercegovine ("Službene novine Federacije Bosne i Hercegovine", broj: 20/98.).

#### VI. ZAVRŠNE ODREDBE

Član 49.

Ministar finansija će donijeti podzakonske akte u cilju sprovođenja ovog Zakona, u roku od 45 dana od dana donošenja ovog Zakona.

Član 50.

Ovaj Zakon stupa na snagu danom objavljivanja u "Službenim novinama Tuzlanskog kantona".

**B o s n a i H e r c e g o v i n a**  
**Federacija Bosne i Hercegovine**  
**TUZLANSKI KANTON**  
**S k u p š t i n a**

Broj: 01-011-505-8/99

Tuzla, 29.2.2000.g.

**Predsjednik**  
**Skupštine Tuzlanskog kantona**

**Dr. Izet Žigić**